

PREDGOVOR

Selekcija, nema sumnje, predstavlja jednu od prvih i bitnih karika u cjelokupnom kompleksu stručnog rada, te bi morala da se oslanja na veoma snažno povezivanje sporta i nauke. Potrebu za takvim povezivanjem ocjenjujemo kao imperativnu iz razloga što selekciju shvatamo kao:

- **Proces** koji obuhvata kontinuitet od otkrivanja talenata (sportske orijentacije) pa do selekcijonisanja postava (za takmičenje).
- **Dinamički sistem** u kome su različiti aspekti problema (biološki, psihološki, sociološki.... sportsko pedagoški) ne samo povezani nego i **međuzavisni** tako da promjena u jednoj komponenti nužno dovodi promjena u drugim komponentama istog problema.
- **Metodski postupak** koji zbog svoje složenosti traži poznavanje mnogih naučnih disciplina i subdisciplina primjenjenih u sportu.

Izbor djece se bazira na ispunjavanju eksplicitno određenih antropoloških karakteristika i analizi sličnosti antropološkog profila djeteta sa onim dimenzijama koje čine strukturu jednadžbe specifikacije nogometne igre.

Sportske škole nogometa moraju postati mjesto koncentracije talenata koji će razvijati svoje očigledne potencijale do najviših sportskih dostignuća uz pomoć visoko specijalizovanih stručnih kadrova i u potpuno riješenim organizacijskim i materijalno – finansijskim i tehničkim uvjetima za provođenje i kontrolu trenaznog procesa.